



МЕСЯЦА МАРТА В 16-Й ДЕНЬ

Святых мученик Савина и Папы

На Господи, воззвах: стихирь, глас 8.

Подобен: Что вас наречем:

Что ты именуем, славне? / Воина сильного Царя
и Бога, / бесплотных злочестие низложша
мужески, / светильника, мысленный свет
облистающая, / идолов губителя пресильна, / и
подвижника претеплаго, / и страдальца законнейшаго.
/ Моли спастися душам нашим.

Что ты ныне, Савине, пронаречем? / Реку воды
животных, / лиющу нам широту духовную, / утешенным
в лютых, / наводнение исцелений неизживущее,
/ чашу, пиво святое проливающую, / чудодетеля
истиннейша, / бесплотных равночестнаго. / Моли
спастися душам нашим.

Что ты провещаем, святый? / Заблуждших
наставника / или молитвенника грешников, / врача
сущим в лютых обуреваемым истиннаго, / благоуханен
рая крин честен, / начаток мучеников и утверждение,
/ источника чудес приснотекущаго, / подвижника
добляго. / Моли спастися душам нашим.

Слава, и ныне, Богородичен:

Кому уподобилася еси, окайнная душе, / к покаянию
никакоже вознучи / и огня не ужасающися, злых
ожидающаго? / Востани, и Едину к заступлению
скору призови, и возопий: / Дево Мати, / моли
Твоего Сына и Бога нашего / избавити мя от сети
льстиваго.

Крестобогородичен:

Агница Агница яко виде, / на Древе простерта
волею Крестнем, / вопияше матерски, болезнующи

с пла́чем: / Сы́не Мой, что́ странное сие́ видѣние? /
 Всем живóт дайя́ яко́ Господь, / како́ умерщвля́-
 ешися, Долготерпелі́ве, / земнымъ пода́я воскресѣ-
 ние? / Сла́влю Твое́ мно́гое, Бо́же Мой, снизхожде́-
 ние.

Канон, егóже краегранѣсие: Страдальчески Саві́на восхваляю́ любовію. **Кир Феофа́на. Глас 8.**

Песнь 1

Ирмос: *Воду прошѣд, яко́ сýшу, / и егíпетскаго
 зла избежав, / израїльтянин вопіяше: / Избавите-
 лю и Бо́гу нашему поїм.*

Нетлѣннаго и Божѣственнаго пребыва́ния / и
 непосты́жных наслажда́ясь ны́не благ, Саві́не, с
 мученики, Богомудре, / восхваля́ющія тя спаса́й.

Жертву хвалѣ́ния Христу́ себе́ освяща́я к страда́-
 нию терпелі́вно, / в пусты́нях удалі́лся еси́,
 Саві́не, по́стническими обуча́ясь по́двиги.

Цветцы́ насладі́вся духо́вными, / рай явѣ́лся
 еси́, укра́шен добродѣ́тельми, / объѣмлемъ мечѣмъ
 мучѣ́нія и снѣдь Бо́гу познава́емъ.

Богородичен: *Отбеже́ смѣртное се́тование: / Жи-
 вóт бо из утробы́ Твоея́, во ипостáси Бог прóйде
 несказáнно, Богородице, / обновля́яй, Де́во, есте-
 ствó наше.*

Песнь 3

Ирмос: *Ты еси́ утвержде́ние / притека́ющих к
 Тебе́, Го́споди, / Ты еси́ Свет омраче́нных, / и поётъ
 Тя дух мой.*

Храм соде́лав чистую твою́ ду́шу, / прия́л еси́ в
 ню Бо́га / и хра́мы дѣмонскія, о Саві́не, низложѣ́л
 еси́.

Милостива ра́ди мѣлости Бо́га обрѣ́т, / страстѣмъ
 Егó подража́тель был еси́, / преда́телю ученику́
 бѣвшу.

Богородичен: *Бо́га рóждши всея́ твáри, Влады́-
 чице, / яко́ войстинну еди́на Богородица превѣ́ш-
 шая явѣ́лася еси́.*

Седáлен, глас 8.

Подобен: Премудрости:

Связався любовію Избавителя, / я́звы многооб-
 ра́зны и растерза́нія претерпѣ́л еси́, свѣ́те, мýже-

ственным мудровáнием, / в реку́ же ввѣрженъ бывъ,
конѣцъ святы́й в ней при́ял еси́ / и богатство
многочѣнно всемъ подáлся еси́, источáя исцелѣния /
и решáя недуги вѣрно притекáющимъ к тебѣ,
Савíне блаженне. / Моли́ Христа́ Бóга прегрешѣ-
ний оставлѣние даровáти чтущимъ любóвию свя-
тую пáмять твою́.

Слáва, и ны́не, Богорóдичен:

Я́ко Дѣву и еди́ну в женахъ, Тя, без сѣмене
рождшую́ Бóга плóтию, / вси ублажáем, рóди
человѣчести, / Огнь бо вселíся в Тя Божества́, / и
я́ко Младѣнца млекóм пита́еши Зиждíтеля и
Гóспода. / Тем, А́нгельский и человѣческий родъ,
достóйно слáвим пресвятóе рождество́ Твое́ / и
согласно вопи́ем Ти: / моли́ Христа́ Бóга согрешѣ-
ний оставлѣние даровáти / поклоня́ющимся вѣрою
пресвятóму рождеству́ Твоему́.

Крестобогорóдичен:

А́гница, и Пáстыря, и Избáвителя А́гница зря́щи
на Крестѣ, / восклицáше, пла́чущи, и, горько
рыда́ющи, вопи́аше: / мир у́бо радуется, приѣмля
Тобо́ю избавлѣние, / утроба́ же Моя́ горíт, зря́щи
Твое́ распя́тие, / еже терпíши за милосѣрдие
мíлости. / Долготерпелíве Гóсподи, мíлости без-
дно и истóчнице неисчерпа́емый, / умилосѣрдися и
дáруй согрешѣний оставлѣние / вѣрою пою́щимъ
Божѣственныя стра́сти Твоя́.

Песнь 4

Ирмосъ: Услы́шах, Гóсподи, / смотре́ния Твоегó
та́инство, / разумѣхъ дела́ Твоя́ / и прослáвихъ Твое́
Божество́.

Я́ко а́гня, водíмо, мучениче, на жѣртву, / ника́ко-
же провещáл еси́, Влады́це моему́ подобя́ся, /
Егóже ráди и смерть пренебре́гл еси́.

Целомудриемъ украша́емъ / и с симъ живы́й, /
строга́ния и ráны твѣрдým умóм твои́м терпѣв, /
врагí, Савíне, низложíл еси́.

Плотскíми твои́ми úды, мучениче, Христа́ про-
сла́вив, / при́ял еси́ с праведныхъ дýхи весѣлие
Божѣственное и не погиба́ющее.

Богорóдичен: Наслажда́ющесея, Пречы́стая, Твои́х дарова́ний, / Тебе́ благода́рственное воспева́ем пе́ние, / ве́дуще Тя Богома́терь.

Песнь 5

Ирмо́с: Просвети́ нас повеле́нии Твои́ми, Го́споди, / и мьшцею Твое́ю высо́кою / Твой мир пода́ждь нам, / Человеколю́бче.

Тяготу́ строгáньми плóти твоея́ отлож, / ду́шу уясни́в, впери́л еси́, Бо́жий Сави́не, / к Божество́нному и и́стинному наслажде́нию.

Да сла́дости пото́к и нетле́ния доброту́ обряще́ши, пресла́вне, / теку́щую ми́ра я́ве оплева́л еси́.

Богорóдичен: Умертви́, Чы́стая, страсте́й мои́х възыгра́ния, / тле́ния избавля́ющи мя и безстра́стия спасе́ние мне пода́ющи.

Песнь 6

Ирмо́с: Моли́тву пролию́ ко Го́споду / и Тому́ возвещу́ печа́ли мою́, / я́ко зол ду́ша моя́ испо́лнися / и живóт мой а́ду прибли́жися, / и молю́ся, я́ко Ио́на: / от тли, Бо́же, возведи́ мя.

Ника́коже о привре́менных брег, / я́коже в чужде́й плóти претерпе́л еси́ я́звы, / связа́ния, терза́ния, жже́ния и кончи́ну блаже́нную прие́м, / от Христа́ венце́в сла́вы, Сави́не, улучи́л еси́.

Вод я́ко войсти́нну испо́лнися живото́чных Христа́ва Церковь / из глубины́ речных вод, ты, исто́чника чуде́с, обогати́вшись, / обрети́ши же себе́ би́сер, Сави́не, многоце́нен.

Богорóдичен: Испра́вила еси́ па́дшее существо́ Твои́м рождество́м, Богорóдице Де́во, / Зижди́теля и Влады́ку ро́ждши, на́ша немо́щи понесе́шаго / и спаса́шаго ны от тли сме́ртныя стра́стию Свое́ю.

Конда́к, глас 2.

Подóбен: Твёрдыя:

Божество́нная прозябе́ния, / цвет неувяда́ющий, / розга́ многопло́дная, Богоно́се Сави́не, / и́же ве́рою чту́щих па́мять твою́ / весе́лия твоего́ испо́лни / и моли́ся непреста́нно о всех нас.

Песнь 7

Ирмо́с: О́троцы евре́йстии в пещи́ / попра́ша пла́мень дерзнове́нно / и на ро́су огонь преложи́ша,

вопиюще: / **благословен еси, Господи Бóже, во веки.**

Да славу нетленную приимеши, / славу оплевал еси жития славы ради Бóжия, / наслаждаясь в муках, Савине, зовый непрестанно: / Бóже, благословен еси.

Манием Божественным Владыки отвергл еси безбожных мерзость, / Божественную яве избрав мудрость, Савине, поя непрестанно: / Бóже, благословен еси.

Богородичен: Спасе мир, Богородице, от утробы Твоея воплощенное Слово Божественное, / Егóже почитающе, поем Тя, вопиюще: / **благословен, Пречистая, плод Твоего чрева.**

Песнь 8

Ирмос: *Музыкальным органом согласующим / и людем безчисленным, поклоняющимся образу в Деире, / три отроцы не повинувшися, / Господа воспеваху / и славословяху во вся веки.*

Прекивлен быв мучителей суровствы, Христовою же любовью исправлен, / неотъемлемо обрел еси тамо безстрастие, Савине, поя песнь Господеви: / Тя превозносим во вся веки.

Украился еси, мучениче, воздержанием, / уяснился еси страданий лепотою / и просиял еси, якоже звезда, зовущим: / пойте Господа, вся дела, и превозносите во вся веки.

Богородичен: Девства просияла еси зарею, / мысленнаго бо Солнца облак была еси, Мати Бóжия, / угасившаго идольскаго пещь неистовства, / Егóже превозносим во вся веки.

Песнь 9

Ирмос: *Войстинну Богородицу / Тя исповедуем, / спасеннии Тобóю, Дéво Чíстая, / с безплотными лики Тя величающе.*

Устремився любовью всех Бóга, речныя волны попрал еси, / в нетления пристанище достиг, мучениче славне.

Основание веру имея Спасову, / прилог безбожных не утрашил еси, / но из глубины к тишине жизни устремился еси.

Богорóдичен: Яко стéну Тя и покрóв/ и яко Предстáтельница Ед́ину, Ч́истая, и спасéние имúще,/ от бед и прегрешéний пр́исно избавляемся.



Святой мученик Савин был правителем египетского города Гермополя. В период гонений на христиан, воздвигнутых императором Диоклетианом (284—305), святой Савин вместе с некоторыми преданными ему христианами покинул город и укрылся в одном брошенном селении. Затворившись в хижине, святой Савин проводил дни в посте и молитве. Идолопоклонники пытались найти его, но безуспешно. Местопребывание святого Савина открыл за две золотые монеты один неблагодарный нищий, которому святой Савин сделал ранее много добра. Святого и шестерых его верных спутников схватили и привели на судилище.

Судья пытался склонить их к вероотступничеству, но тщетно. Святой Савин стойко перенес пытки железом и огнем, но отказался принести языческое жертвоприношение и продолжал мужественно исповедовать истинность веры Христовой. Все семеро были утоплены в Ниле († 287).

В
ТОЙЖЕ
ДЕНЬ

Святителя Серапиона, архиепископа Новгородского

НА ВЕЛИЦЕЙ ВЕЧЕРНИ

Блажен муж: 1-й антифóн. На Гóсподи, воззвах: стихíры на 8, глас 2.

Подóбен: Егда от Древа:

От юности, преподóбне святителю,/ мирских возгнушался еси/ и Христови прилепился еси,/ злострада́нием, и томлени́ем, и моли́твами непрестáнными/ Тому́ угодил еси,/ Безкрóвныя Жéртвы Ему́ принося́,/ о всем ми́ре моля́ся, преблаже́нне óтче святителю Серапиóне,/ и ны́не Гóсподеви моли́ся/ спасти́ся душáм нáшим.

Оттрясэ, яко лёностный сон, мирская треволнения / и к тихому пристанищу притечэ, / иго Христова на рамо взем, / желательно Тому последовал еси, / помощь имея рождшую Того, Богородицу, Всемирную Заступницу, / стадо своё добре упасл еси и ко Христу приведэ, / и ныне, святителю Серапионе, / молися о нас Господеви, / спастися душам нашим.

От земных на Небесная востечэ, / яко небопярный орёл, пречудне, / легкими крилома вперяемь, / достигл еси Вышнее Царство, древнее отечество, / и тамо вселился еси, сликовен* страдальцем и святителем явился еси, / и ныне, о великий святителю, архиерею Божий Серапионе, / Престолу Владычню предстоя, / Светом Трисолнечным озаряемь, / молися о нас Господеви, спастися душам нашим.

Глас 8:

Вмале был еси верен, святителю отче Серапионе, / над многими ты постави Господь, / и вшел еси в радость Господа твоего, / идеже, предстоя Ему с соборы святых, / молишися о душах наших.

На тебе, святе, утвердися истина Господня, / предреченная усты пророка, древле возгласившаго: / праведник, яко финикс, процветет, / и, яко кедр, иже в Ливане, умножится, / и будет, яко древо, насажденное при исходящих вод. / Темже, предивный иерарше, / не премолчи за ны ко Господу / и осеняй молитвами твоими обитель сию, / да ты усердно ублажаем.

Божественною благодатию Святаго Духа просветився, / Серапионе преславне, / и по смерти благодатное милости миро / от честных твоих и многоцелёбных мощей источаеши, / тем по долгу о тебе, страдальче, радуемся / и, память твою священнолэпно совершающе, / священнолэпными пэснями зовём ти: / радуйся, великий во святителех Серапионе, / Великому Новуграду похва-

* сликовен — принадлежащий к лику

ло, / и обители твоёй преславное украшение, / и всея Россійския земли пресвѣтлый свѣтильниче.

По достоянію о тебѣ, святителю Христовъ, радуемся / и мощей твоихъ нетлѣниемъ хвалимся, / проливая бо от гроба твоего целѣбныя струи, яко воды, / мир и благословеніе притекающимъ к тебѣ подаеши, / яко предстоятель Горнія славы, / имей велию благодать у Христа Бога нашего.

Просвети́ся житіе твоё добродѣтельными светлостми, / верныя просветилъ еси / и лѣсти тьму разналъ еси, / истинное бо явился еси светозарное солнце, / святителю преблаженне Серапионе, / и нынѣ вселился еси, / идеже сияетъ Светъ невечерній, / и сынъ благодатию Духа Святаго быв. / Темже твою Божественную память и светоносную / честно совершающе, приснопамятне, / любовью тя почитаемъ.

Слава, глас 6:

Свѣтлое и светоносное настѣ днесь, братіе, торжество, / сим торжествомъ в память предивнаго страдальца, / великаго и чуднаго во иерарсехъ святителя Христова Серапиона, / радостно ликующе и пѣсни плетуще, / псаломски зываемъ Христови. / Побѣдныя образы приносяще, глаголемъ: / кто подобенъ Тебѣ, Господи, / прославляемъ во святыхъ и удивляя святыхъ Своихъ, / якоже сего добляго святителя прославив, / и по смерти чудесы различными обогатилъ еси, / и нынѣ проявилъ еси намъ / честныя его и многоцѣбныя мѣщи, / от нихже приедемъ исцеленіе душамъ же и телесемъ, / и демонскихъ наветъ избавляемъ, / к немуже возопиемъ: / радуйся, священная главо! / Пастырю нашъ и учителю добрый, / подражая истиннаго Пастыря Христа, / стадо своё добре упаси еси / и, к премірному Царствію наставив, / во ограду Небесную привелъ еси. / И нынѣ молися Господеву / спасти обитель твою / и мир подати граду твоему / и спасеніе присно блажащимъ тя, достопамятне.

И нынѣ, Богородичен: Кто Тебѣ не ублажитъ:

Вход, прокіменъ дне и чтенія святительская (зри страницы 324—326)

На стиховне стихиры, глас 4.

Подобен: Дал еси знамение:

Дал еси утверждение / Великому Новуграду — / дивнаго Своего святителя Серапиона, / неистощимое сокровище / изобильно чудес многих, / крепкаго молитвенника, / и поборника, и заступника, / егже молитвами спаси обитель сию, / и страну нашу, и люди, / Иисусе Человеколюбче, Спасе душ наших.

Стих: Священницы Твой облекутся в правду, / и преподобнии Твой возрадуются.

Дал еси украшение монахом — / в велицей Лавре преблаженнаго Сергия / цельбоносныя мочи Серапиона святителя, / иже последующа в житий стопам его, / вкупе же и по смерти, / содейственника бывающа чудесем многим / и моляща Ти ся непрестанно, / Иисусу Преплагому, Спасу душ наших.

Стих: Блажен муж, бояйся Господа, / в заповедех Его восхощет зело.

Дал еси знамение / верующим твердо истинным Твоим угодником, / приемлют бо исцеления душам же и телесем, / неверующии же отгоними бывають, милостивно наказуеми. / Мы же, днесь сошедшеся / к пречудней раце великаго святителя Серапиона, / верно Ти возопием: / Иисусе Человеколюбче, / того молитвами сохраняй обитель сию / и спаси души наша.

Слава, глас 5:

Что шум празднующих бывает / и монаси радостно веселятся? / Днесь бо обретохом сокровище некрадомо, / целeb подательныя мочи Серапиона, великаго святителя, / источающи исцеления. / Иже в житий сем потрудився / и наместник быв блаженнаго Сергия, / потом* же премудрости Божия престол украсив, / и во изгнания лукавых наветы осуждается, / последи же, в первом пребывании / святую душу свою на Небеса предпосла, / сликовен бывает своему отцу, / у Престола Господня предстоянием свеселяся, / к нимже возопием в песнях, радуящеся: / радуйся, отцем

* потом — трудом, подвигом

сла́во, вели́кий Сѣргие, / ра́дуйся, до́брый учени́чѣ
и́стиннаго учи́теля, преблаже́нне Ни́коне, / ра́дуй-
ся, стопа́м их послѣдственниче и жити́ям их
ревни́телю, / святи́телю наш Серапио́не, / и моли́ся
Го́сподеви, / да сохрани́т невреди́му оби́тель твою́ /
и спасе́т в ми́ре ду́ши на́ша.

**И ны́не, Богоро́дичен, глас тойже: Храм и дверь
еси́:**

Тропа́рь, глас 8:

Тве́рдый адама́нт вои́стинну, о́тче, показáлся
еси́, / во всем подо́бяся Влады́ще своему́ и
Го́споду, / непра́ведная изгна́ния, ра́дуясь, претер-
пе́л еси́, / те́мже и Христо́с святи́телем и му́чеником
сли́ковна тя сотвори́ / и дарова́ тя ста́ду своему́,
я́ко сокрови́ще неотъе́млемо, / чудесы́ всех обога-
ща́ющее, / я́ко да и мы, соше́дшеся к ра́це моще́й
твои́х, / любóвию вопи́ем ти: / о вели́кий во святи́те-
лех и дивны́й во страда́льцех / пречестны́й архи-
ере́ю, Серапио́не о́тче наш, / моли́ о нас всеблага́го
Бо́га, / да спасе́т ду́ши на́ша.

Сла́ва, и ны́не, Богоро́дичен.

НА УТРЕНИ

**На Бог Го́сподь: тропа́рь свята́го, два́жды. Сла́ва,
и ны́не, Богоро́дичен.**

По 1-м стихосло́вию седа́лен, глас 1:

Подóбен: Ка́мени запеча́тану:

Разу́мнаго адама́нта, до́бляго страда́льца, днесь,
ве́рнии, почти́м, / вели́каго иерáрха, святи́теля
Христо́ва Серапио́на, / собира́ет бо тру́бы ясней-
ши на всечестно́е торжество́, / све́тло прáздновати
обрéтение многоцеле́бных моще́й его́, / подава́я
неоску́дно исто́чник исцелéния / и велегла́сно
научáя Христо́ви вопи́ти: / прославля́яй свята́х
Свои́х, Го́споди, сла́ва Тебе́.

Сла́ва, глас тойже:

От ю́ности взял крест твой, блаже́нне, / благоче-
сти́вно Христу́ послéдовал еси́, / увяди́в плотско́е
мудрова́ние воздержáнием: / те́мже на святи́тель-

стем сѣдалищи сѣд, святителю, / возвелѣчил еси Владыку и Того Пречистую Матерь, / различными дарованіи твою украсивша раку, Серапионе Богоблаженне.

И ныне, Богородичен:

Из Тебѣ, Пречистая Богородице, возсия нам Жизнодавец и Господь всех, / не оставль Отеческих недр, снѣде на землю / и спасение роду человѣческому дарова, / и от тли на нетление возведени бѣхом рождеством Твоим, Всенепорочная, / воспевающе, зовем: / радуйся, надеждо рабом Твоим.

По 2-м стихословіи сѣдален, глас 5:

Философскаго суесловія возгнушався, / истинным послѣдуя Евангельским заповедем, преблаженне святителю Серапионе, / церковь Премудрости Божія украсил еси, славити Троицу Единосущную, / Еяже моли о поющих тя.

Слава, глас 4:

В пощении искусен быв, / в скорбех многих и во изгнании неповинном просиял еси, святителю Серапионе, / во всем подав образ житія добродетельнаго и терпѣнія, / темже тя вси с любовью величаем.

И ныне, Богородичен:

Имамы Тя к Богу истинную Предстательницу, раби Твой, Всенепорочная, / дерзновение бо к Немю, яко к Сыну Своему, имаши, / темже и дерзающе, со Ангелом вопиѣм верно: / благословен, Пречистая, Плод чрева Твоего.

По полиелее сѣдален, глас 8:

Лукаваго ловительства избави стадо твоѣ, отче, / советы льстиваго утоли молитвами твоими, / языков шатанія низложѣ, / якоже древле вооружившихся на тя обличил еси / и страданія ради нетленный венец приим от рукъ Вседержителя. / Сего ради вопиѣм ти: / Серапионе всеблаженне,

моли́ Христа́ Бóга/ согрешéнием оставлénие даровáти/ чтúщим любóвию святу́ю пáмять твою́.

Слáва, глас тойже:

Святítеля Серапиóна, в пощéнии пёрвее во обителѣ Сёргиевой просиявшаго, / пóтом же архiereйский престóл Великаго Новáграда украсившаго, / пéснями восхвáлим днесь. / Той бо ны́не Престóлу Бóжию в ли́ке преподóбных и святítелей предсто́я, / мо́лится о всех, любóвию чтúщих пáмять егó.

И ны́не, Богородичен:

Еди́на вёрным заступлénие яв́илася еси́, Всенепорóчная, / от Твои́х бо ч́стных кровей́ воплот́ися Сло́во Бóжие советом Отчим, / и земна́я с Небéсными совокуп́ив, / и в дрéвнее отéчество невозбранно вход устро́ив. / Сего́ ра́ди мо́лим Тя, Богородице, / не лишéны нас сотвори́ Сы́на и Бóга Твоегó Цáрствия, / véрою покланя́ющихся преч́истому образу Твоему́.

Степéнна, 1-й антифóн 4-го глáса. Прокíмен, глас 4: Честна́ пред Гóсподем / смерть преподóбных Егó. **Стих:** Что возда́м Гóсподеви о всех, я́же воздаде́ ми? **Всякое дыхáние: Ева́нгелие от Иоáнна, зачáло 36.**

По 50-м псалме́ стихира, глас 6:

Избран́ Бóгом быв, преслáвне, / рукоположéнием святítельства, / непрестáнно Гóсподеви принос́я Безкровны́я Жёртвы, / ч́сте Тому́ послуж́ив, / яв́ился еси́ весь освящён, святítелю, / предсто́я Престóлу Святы́я Трóицы, / созерца́я доброту неизречéнную, / наслажда́ясь весéлия присносущнаго / и радóсти неизглаго́ланна, / мо́лися Гóсподеви, Серапиóне приснопáмятне, / спасти́ся душáм нáшим.

Канóн вели́кому святítелю Серапиóну, архиепископу Великаго Новáграда и Пско́ва. Глас 8.

Песнь 1

Ирмо́с: Пои́м Бóгу, / от го́рькия рабóты фараóновы избáвльшему Изра́иля / и óгненным столпóм и свéтлым óблаком наста́вльшему, / я́ко прослáвился.

Отвѣрзи устнѣ мой, Господи, / просвети ми смысл помрачѣнный, / разреши юзу языка моего, / яко да светло и радостно восхваляю добляго страдальца Серапиона, / Твоимъ страстемъ подражателя.

Аще и грубо приносимое тебе пѣние, / но от усердия прими, отче преблаженнейший, / якоже две лепты оная вдовицы приятъ Христос, / и не лишена мя сотвори Твоихъ даровъ, / и согрешениемъ прощение испроси.

Благаго Бога подражатель былъ еси, Серапионе предивне, / милость же к нищимъ и любовь нелицемѣрну ко всемъ равно стяжавъ, поминая реченная: / возлюбиши искренняго своего, яко самъ себѣ.

Богородичен: Всепѣтая Богородице, / Яже Всемилоствяга Бога породившая, / душу мою, омраченную демонскими прилоги, просвети, Всенепорочная, / и ума моего уврачуи изступление, / яко да по достойнию славлю Тя.

Песнь 3

Ирмос: Утверждение мое, Спасе, еси, / прибежище мое и сила, / поколебавшееся сердце мое утверди в страхе Твоемъ, / яко несть свят, якоже Ты, Бог наш.

Господа своего волю сотворивъ, Серапионе славно, / сугубъ талантъ приобрелъ еси, / сего ради и благий оный гласъ слышиши: / добрый рабе и верный, / вниди в радость Господа своего.

Душевную чистоту стяжавъ, / без неяже никто же узритъ Господа, святителю Серапионе, отче наш, / страсти окайныя души моея и сласти телесныя молитвами твоими угаси.

Егда убо Богу производящу тя на лучшая, / тогда мирская вся оплевалъ еси / и, благий яремъ на рамо вземъ, усердно Тому последовалъ еси.

Богородичен: Животъ рождающая Ипостасный, Дево Всенепорочная, / сердца моего струпы исцели ходатайствы Твоими, / еже к Сыну Твоему, Богоблагодатная.

Седален, глас 8:

Чистотою душевною и телесною паче солнца облисталъ еси, / терпениемъ мужествовавъ, велиару главу стерлъ еси, / льстиво на тя вооружившихся /

пóмоцию Вседержителя под нóзе повергн еси, /
самодержца неповиннаго гнѣва не устрашил еси, /
ни ласканием, ни лóтым прещением непре-
вратен пребыл еси, / Серапионе отче наш, / сегó
ради Христос побѣдным венцем увязе тя, / тем
мóлим тя: / моли спастися иже пámять твою любó-
вию почитающим.

Слáва: Во святительстве благочестно пожил
еси, святителю Богоявленне, / лóди к Богоразу-
мию слóвом и дѣлом наставил еси, / и во изгнании
неправедном пребыл еси, / и Бóгу до конца угодил
еси. / Сегó ради от Него нетлением и чудесы, отче
Серапионе, почтил еси, / яко причастник Бóжия
благодати.

И ныне, Богородичен:

Человек враждующих и дѣмонская стрелания
установила еси, Всенепорочная, / ходатайством к
Сыну Твоему и Бóгу нашему, / душам спасение и
телесем здравие подающи / верою присно блажа-
щих Тя / и пресвятое рождество Твое почита-
ющих.

Песнь 4

Ирмос: Всел еси на кони, апóстола Твоя, Гóспо-
ди, / и приял еси рукама Твоима узды их, / и
спасение бысть еждение Твое / верно поющим: /
слава силе Твоей, Гóсподи.

Зельным пощением, и молитвами непрестанны-
ми, / и чистотою сердечною живуща в себе Христа
имел еси, преблаженне святителю, / во ограду бо
вниде Пречистыя Его Матери, / на Неяже всю
надѣжду возложил еси.

Земная отринув, Небесная наследовал еси, / от
силы бо в силу прейде, / к премірному Царствию,
идеже уготовася ти, терпения ради твоего, / венец
нетлennyй и вѣчное веселие.

Изволением Бóжиим и избранием постников
сословия / пастырь поставляеши и наставник,
иже ко спасению, / непрелестным путем вводя
стадо свое во ограду Небесную.

Богородичен: И раждаеши, и дѣвствуеши, Дѣво
Всенепорочная, / искуса бо мужескаго не прием-

ши, / родила еси́ Бóга воплощённа от пречы́стую
боку́ Твоёю, / Егóже моли́ о пою́щих Тя.

Песнь 5

Ирмос: *Утренюет дух мой к Тебё, Бóже, / занё
свет повелёния пришёствия Твоёго, / ймиже ўбо
озари́ ум наш, Влады́ко, / и наста́ви на стезю́
жизни.*

Крѣпко воору́жися на невидимыя враги́, я́коже
твёрдый адама́нт, / вья́ их сокруши́л еси́ / и, под
но́зе попрáв, гóрдостная шата́ния низве́ргл еси́, /
Гóсподу ты, святителю́ Серапиóне, прославля́-
ющу, / йстиннаго Своёго́ уго́дника.

Лука́вых де́монов ла́яния ста́до своё сохраня́я, /
Йстиннаго Па́стыря Христа́ йстинный учени́к
быв, Серапиóне предивне, / сегó ра́ди избра́нием
первосвятителя́ / наместник блаже́ннаго Сѣргия в
вели́цей Лáвре устроя́ешия.

Мило́стивно наказу́я, óтче Серапиóне, / о Христѣ
поручённое тебѣ ста́до упасѣ́ на па́житех за́кона
живоно́снаго: / собою́ бо о́браз показáл еси́, /
возвещáя путь ко спасёнию и ё́же от злых
премене́ние*.

Богорóдичен: *Нáшего спасёния Ходáтаица Ты
явилáся еси́, Всенепорóчная, / дýшу мою́ окаянную
избáви де́монскаго мучи́тельства / и пода́ждь пре-
грешёнием очищё́ние, / рáзве бо Тебѣ, раби́ Твой, /
не имѣем Помóщницы.*

Песнь 6

Ирмос: *Из чрэва а́дова / во́пля моего́ услы́шал еси́
глас мой / и избáвил еси́ от тли живóт мой,
Многомíлостиве.*

О учени́це своём провозвестил еси́ иногда́,
преблаже́нне Серапиóне святителю́, / я́ко б́дет
сей, — рече́, — па́стырь кино́вии сия́ вели́кия. / Тогó
ра́ди и поклони́лся еси́ ему́, / не я́ко учени́ку
своему́, но я́ко собесѣднику́.

Проро́чества дар ви́дяще, ч́днии учени́цы
твой / не я́ко чело́веку, но я́ко Христý повиную́ще-
ся во всем, / зря́ху бо ты, о святителю́, по стопáм

* премене́ние — изменение, прекращение, искупление

ходяща блаженнаго Сѣргія, / и послѣдующа трудолюбному егѣ житію, / и о всех молящася Бѣгу, хвалу возсылаху.

Разум от Бѣга приим, о великій во святителех, / благочестивыя паче приводя к Богоразумію, / нечестивым же уста заграждая, Серапионе отче наш, / в собраніи бо бывшу ти святительством, / самодержца краткими глаголы повинув, / киновиам полезная сотворил еси.

Богородичен: Святѣйши Херувим и Серафим явилася еси, Пречистая, / Зиждителя бо их несказанно родила еси, / не опалившись огнем Божества, / и ныне блажат Тя вси роди, / якоже прорекла еси, Препетая.

Кондак, глас 3:

Яко венцем пресветлым, украсився днесь, Великий Новоград / ликует в память пастыря своего и учителя, / и, яко диадиму царскую, возложивши, / Лавра великая она светло радуется, / идеже прослави тебе Бог, угодника Своего, / и проявил последнему роду нашему / цельбоносныя мѣщи твои, / о преславне святителю Серапионе, / Церковь же Божия веселится, / созываючи монахов сословие и всех верных / велегласно вопити: / радуйся, Великому Новуграду и обители Сѣргиевой похвало / и всей Россійския земли пресветлый светильниче.

Икос:

Из отечества худа и незнаема великий гражданин Небеснаго Царствія произыде, / яко из мрачна облака пресветлая звезда, провозсия днесь великий Серапион / и всех озари чудес лучами, / иже с верою приходящих к цельбоносному егѣ грѣбу / и любезно целующих раку мощей егѣ, / не верующих же далече отгоня / и льстивая тех шатанія, яко паучину, растерзая и казнем преда, / да и тии научатся не хулити Божьяго Имене и Егѣ угодников. / Мы же, вернии, обстояще днесь священную егѣ раку, / не очима токмо видяще, но сердечною любовью верно возопием: / радуйся, яко от младенства Бѣгу порабѣтав; / радуйся, яко

мирская вся оплевав. / Рáдуйся, яко Христóв ярém на рáмо взем, усéрдно Томú послéдовал есѣ; / рáдуйся, яко вручénное стадо дóбре упáсл есѣ. / Рáдуйся, яко намéстник быв блажénнаго Сэргия / и тогó стопáм во всем поревновáл есѣ; / рáдуйся, прорóчества дар восприéмый. / Рáдуйся, яко чудес многих дéлатель явѣлся есѣ; / рáдуйся, Премúдрости Бóжия престóл украсивый. / Рáдуйся, чудесы град свой озарѣвый; / рáдуйся, яко сподóбился есѣ неповѣнным осуждénием / и с престóла святѣтельскаго свержénием ревновáти Златоúсту Иоáнну. / Рáдуйся, яко обличѣл есѣ злокóзненных, на ты вооружѣвшихся, мудровáние; / рáдуйся, страдáльче дóбрый, во всем подражáя Влады́це своемú, / Егóже моли́ о чтúщих святу́ю пáмять твою́, / да вси в весéлии сэрдца вопи́ем ти: / рáдуйся, святѣтелю Серапиóне, / Вели́кому Новúграду и обѣтели Сэргиевой похвалó / и всея́ Россѣйския земли́ пресвѣтлый светѣльниче.

Песнь 7

Ирмос: Халдéйския пещѣ / всепáгубную сѣлу угасѣвше / образом А́нгела снизшэдшаго, / Зиждѣтелю ю́ноши взыва́ху: / благословén есѣ и хвалѣнный, Бóже отéц нáших.

Терпénием своим и мúжеством / возвеселѣл есѣ Ёже над все́ми Сúщаго Бóга, / и Той тебе, святѣтелю Серапиóне, прослáви, яко прѣснаго Своегó угóдника, / и чудесы́ обогатѣл ты есть, / яко и я́рость самодэ́ржца на крóтость возмóгл есѣ преложѣти / и неповѣнныя от смэрти избáвити, пою́щия: / благословén Бог отéц нáших.

Устрóяет ты Господь Цэркви Своёй архиерéя, / пáстыря всеизрýдна словéсным овцáм, / ты же, премúдре Серапиóне, / егда́ святѣтельства пáству при́им, / к бóльшим подви́гом вдава́шеся, поя́ Христо́ви: / благословén Бог отéц нáших.

Фараонѣтская казнь за грехѣ нáша / егда́ при́иде на лю́ди твоя́, святѣтелю предѣвне, / тогда́ прилэ́жно Бóгу моля́шеся, призывáя на пóмощь Тогó рóждшую Богорóдицу, / смертонóсие устáвил есѣ и, три́ем исцелénие пода́в, / пéти всех, Серапиóне, научѣл есѣ: / благословén Бог отéц нáших.

Богородичен: Христа́, Егóже родила́ еси́, Богороди́це, моли́, / да просвети́т ду́шу мою́ омраче́нную / и лю́таго паде́ния изба́вит, / я́ко да во хвале́нии сла́влю Тя, Всенепоро́чная, Сь́ну Твоему́ вопия́: / благослове́н Бог оте́ц на́ших.

Песнь 8

Ирмо́с: Нече́стия орга́ны ину́ю песнь, / благоче́стия же боговещáнный по́яху гу́сли: / благослови́те, дела́ Господ́ня, Христа́ во ве́ки.

От вся́ких напа́стей и озлобле́ния изба́ви нас, святите́лю Серапио́не, о́тче наш, / я́коже дре́вле град свой спасл еси́ от запале́ния, / и в ра́дости лю́ди своя́ вопи́ти научи́в: / благослови́те, вся дела́ Господ́ня, Го́спода, / по́йте и превозноси́те Егó во ве́ки.

Царю́ и Влады́це моля́ся, святите́лю, / разсла́бленнаго исцели́л еси́, / по́мощь имéя и заступле́ние Бо́жия Ма́тере, / он бо проша́ше пи́щи, е́же к телéсней потре́бе, / ты же, дивный иерар́ше, пре́жде духо́вною пи́щею напитáв, / здра́вие по́дал еси́ и пе́ти научи́л еси́: / благослови́те, вся дела́ Господ́ня, Го́спода, / по́йте и превозноси́те Егó во ве́ки.

Челове́цы веселя́хуся, ви́дяще пресла́вная чуде́са твоя́, уго́днице Христов, / е́же возда́ ти Господь возме́здие проти́ву трудо́м твои́м, / враг же воору́жашеся льсти́вых наважде́ньми, / изгна́нием на тя поучáется, / ты же, крóткий страда́льче, в ра́дости пел еси́: / благослови́те, вся дела́ Господ́ня, Го́спода, / по́йте и превозноси́те Егó во ве́ки.

Ше́ствие егда́ творя́ше во изгна́ние от гра́да своего́, страда́льче Серапио́не, / ре́чное стремле́ние моли́твою уста́вил еси́ / и иду́щих с тобо́ю, па́че же по́сланных к тебе́, удиви́л еси́, / они́ же глаго́лаша: / дивна́го Бо́га на́шего, прославля́ющаго святы́я Своя́, / по́йте, вся дела́ Господ́ня, Го́спода / и превозноси́те Егó во ве́ки.

Богородичен: Ще́драго и Всеми́лостиваго Влады́ки Ма́ти сподо́бльшися бы́ти, Богороди́це, / низпосли́ нам щедро́ты от неисто́щимых сокро́вищ Твои́х / и пода́ждь в ну́ждах терпе́ние, моли́твами святите́ля Серапио́на, / я́коже он претерпе́ Сь́на

Твоего ради, в веселии пою Ему: / благословите,
вса дела Господня, Господа, / пойте и превозносите
Его во веки.

Песнь 9

Ирмос: Воспитанная во святая святых / и
рождающая Свет вселенныя, / Благодатная, радуясь,
/ пёсньми Рождество Твое величаем.

Рвением распалаемь по Господе Бозе, / поругания
и досады, заточения и изгнания претерпел
еси, / поминая Господни страсти, яже претерпел и
пострадал нашего ради спасения, / биения и опле-
вания, паче же и смерть поносную, / сего ради,
дивный страдалче, Серапионе святителю, / помощи
Вседержителя льстиво на ты вооружившихся
шатания низложил еси.

Фарисейскаго кичения отвращаяся, преблажен-
не отче Серапионе, / Христово смирение имел еси: /
якоже Он Отцу о распинающих моляшеся: / Отче,
не постави им греха сего, не ведят бо что творят,
— такожде и ты сотворил еси, святителю, / пре-
ступльших пред тобою и необращающихся / про-
щению сподобляеши, сам взыскупя погибшаго.

Легко, якоже орёл, крилома Небесную высоту
достигл еси, / терпения ради почесть приял еси от
Мздовоздаятеля, / и ныне Господь показав нам
цельноносныя мочи твои, / точащая исцеления
всем, с верою приходящим. / Темже молим тя,
святителю Серапионе, / помини нас, иже верою
чтущих тя, / да ты, преславне, достождно убла-
жаем.

Богородичен: Из пречистых ложесн Твоих, Вла-
дычице, пройде Умное Солнце, / просвещая иже во
тьме сидящих, омраченных неведением, / и приво-
дя к свету Богоразумия, / страдавшим Его ради
нетленные венцы подавая и вечное радование. /
Егоже моли о нас, Пречистая, / да не лишит нас
деснаго стояния в час испытания, / Ты бо вси
немолчно ублажаем.

Светилен:

Многими леты покровены ббша честныя мочи
твоя, / о великий святителю и дивный страдалче

Серапионе, / ныне же проявил Господь преславно
 последнему роду нашему, / верным на исцеление и
 радование, / неверным же на обличение и посрам-
 ление. / Сего ради величаем Христа, ты прославль-
 шаго.

Слава:

Во свете славы лица Божия предстою, святителю
 Серапионе, / молися непрестанно о пастве твоей и
 о всей Русской земле, / да светильник веры
 Православных не угаснет в них / до скончания
 века веков.

И ныне, Богородичен:

Всеблагая Владычице, / яже Всещедраго Бога
 плотию рождающая, / помилуй нас, озлобленных
 прилоги лукаваго, / и устранившихся заповедей
 Сына и Бога Твоего, / и греху работавших своим
 хотением, / привлещи, Пречистая, к повелением
 Божиим / и не лишь нас вечнаго наслаждения
 молитвами Твоими.

На хвалитех стихиры, глас 1.

Подобен: Небесных чинов:

Тройческим Светом озаряемь, / со Ангелы ликую-
 еши, / предстою Престолу всех Царя / и почесть
 приемля трудом своим, / Серапионе, предивный
 иерарше, / Егоже присно моли / о чтущих святую
 память твою, преблаженне.

Иже от любви пение приносящих / не забуди,
 великий святителю, / но пролей о нас к Богу
 моление теплое / и избави демонскаго на-
 хождения / и лютаго озлобления, / да в день
 страшнаго испытания не посрамлены будем, /
 раби твои, Серапионе приснопамятне.

И по смерти тебе Господь прослави / знамением
 исцеления, / яви бо нам честныя мочи твоя, /
 Серапионе, предивный страдальче, / яко сокрови-
 ще некрадомо, / к ним же притекающие приемлют
 здравие душам же и телесем, / присно блажащие
 тя, архиерею Христов.

Слава, глас 4:

Евангельских учений рачителя / и страстем
 Христовым подражателя / днесь обстояще священ-

ную ра́ку, / исцелѣния приѣмлем незавѣстно / и, вѣрно торжествующе, / к нему́ возопиѣм, глаголюще: / раду́йся, Серапионе́ отче наш, / яко во тлѣнном сем жити́и Христо́ви усѣрдно послужил еси́ / и от Него́ приим венѣц нетлѣнный / и безконѣчное Ца́рствие, иде́же ны́не наслажда́ешься, / лику́я со Ангелы, проро́ки и апо́столы, / моля́ся непреста́нно Го́сподеви / низпосла́ти благослове́ние и мир на оби́тель сию́ / и душа́м на́шим ве́лию ми́лость.

И ны́не, Богоро́дичен, глас тойже:

Богоро́дице, всех Цари́це, / правосла́вных похвало́, / ерети́чествующих шата́ния разори́ / и лица их посрами́, / не кланя́ющихся, ниже́ чту́щих, Пречи́стая, / честный Твой о́браз.

Вели́кое славосло́вие и отпу́ст.

НА ЛИТУРГИИ СЛУ́ЖБА СВЯТИ́ТЕЛЬСКАЯ

Моли́тва

О вели́кий святителю́ Бо́жий отче Серапионе́! Вонми́ моѣй сла́бой моли́тве, и предста́ни за мя, грѣшнаго и убóгаго, пред Го́сподем, и испроси́ твоими́ усѣрдными моли́твами мно́жеству грехо́в мо́их прощѣние, да, получи́в по́мощь твою́, проживу́ во исправлѣние жити́я моего́. Ты, яко испо́лненный живо́ю стру́ею от Приснотеку́щаго Исто́чника воды́ живота́ вѣчнаго — Христа́ Иису́са, ороси́ се́рдце моѣ и возбуди́ желáние любви́ моѣ ко Го́споду, да путь маловре́меннаго жити́я проживу́ в поучѣнии за́поведем Его́ и в пока́янии се́рдечном. И, охраня́емь твоими́ тёплыми за мя моли́твами, улучу́ от благосе́рдаго Спа́са Го́спода на́шего Иису́са Христа́ благовре́менную в ну́ждах по́мощь и непосты́дный христиа́нский коне́ц живота́ моего́, прославля́я Его́ со все́ми, от ве́ка благоугоди́вшими Ему́, во ве́ки веко́в. **Ами́нь.**

Святитель Серапион, архиепископ Новгородский, родился в подмосковном селе Пехерке. В семилетнем возрасте был отдан учиться грамоте, «дабы обрести бисер разума». С юных лет желал уйти из мира, но по

воле родителей вступил в брак и принял священство. Вскоре умерла жена, а затем и родители святого. Он раздал все имение бедным и принял постриг в Дубенском Успенском монастыре. В 1495 году святой Серапи-

он перешел в Троице-Сергиев монастырь и возведен в сан игумена. После кончины новгородского архимандрита Геннадия (нареченного епископа) святитель Серапион был возведен 15 января 1506 года на новгородскую архиепископскую кафедру. В феврале 1506 года прибыл он в Новгород, а осенью в городе открылся мор. В том же году, по свидетельству новгородских летописцев, «бысть пожар зол». Пожар прекратился по слезным молитвам святителя Серапиона, когда он вышел с крестным ходом на улицы города.

В 1509 году святитель был лишен епископской кафедры. Это произошло по недоразумению, из-за спора с преподобным Иосифом Волоцким. Святитель Серапион подверг преподобного Иосифа церковному запрещению за то, что он без его ведения вышел из Новгородской епархии. Недоразумение было использовано недоброжелателями, и святителя Серапиона заключили в 1508 году в Московский Андрониковский монастырь, где он перенес много страданий.

После того, как святитель Серапион составил объяснительное послание, митрополит Московской и всея Руси Симон испросил у него прощение. Тогда же примирился со святителем и преподобный Иосиф Волоцкий. В 1511 году собором святителей святитель Серапион был освобожден из заточения. Митрополит Московский Симон перед своей кончиной (†1511), по свидетельству летописцев, «отпусти его к Троицы в Сергиев монастырь». О взаимном примирении преподобного

Иосифа Волоцкого со святителем Серапионом читаем в Житии преподобного Иосифа: «Вражду поправше на смирение приити, якоже блаженный Иван и Елифаный, тако же и сии отцы Серапион и Иосиф».

Последние годы своей жизни святитель Серапион провел в непрестанном подвиге богомыслия и молитвы в обители Преподобного Сергия, сподобившись от Господа дара прозорливости. В час кончины преподобного Иосифа Волоцкого, 9 сентября 1515 года, святитель Серапион встал и сказал бывшим при нем: «Брат наш Иосиф преставился. Да простит ему Бог: бывает подобное и с праведными».

Перед кончиной, последовавшей 16 марта 1516 года, он принял великую схиму. Мощи святителя Серапиона были обреты нетленными 7 апреля 1517 года и почивают под спудом в так называемой Серапионовой палате, близ Троицкого собора, до настоящего времени. В 1559 году было установлено местное празднование святителю Серапиону. Текст службы святителю Серапиону был составлен иноком Трифилием, о котором упоминается в одном из списков его Жития.

В 1608 году во время осады Троице-Сергиевой Лавры поляками «мнози черноризцы и миряне видеша вшедша в церковь Святыя Троицы Серапиона, архиепископа Новгородскаго, в святительской одежде, и во святем олтари пред образом Святыя Богородицы ставша».

Память святителя Серапиона совершается 16 марта, в день его преставления.

